



Mike Hedges AS
Cadeirydd
Y Pwyllgor Deddfwriaeth, Cyfiawnder a'r Cyfansoddiad

SeneddDCC@senedd.cymru

1 Gorffennaf 2024

Annwyl Mike,

Fel y gwyddoch, yn ystod yr haf yn 2022, gwnaeth y Dirprwy Weinidog Iechyd Meddwl a Llesiant ar y pryd ymgynghori ar gynigion i wella iechyd amgylcheddau bwyd yng Nghymru: [Amgylchedd bwyd iach | LLYW. CYMRU](#).

Rwy'n ysgrifennu atoch i roi gwybod ichi am yr [ymgynghoriad](#) yr wyf wedi'i gyhoeddi ar y dull gorfodi a thestun y rheoliadau drafft ar gyfer cyfyngiadau ar leoli a chyfyngiadau ar hyrwyddiadau pris yng Nghymru, sy'n cyfateb i raddau helaeth i [Reoliadau Bwyd \(Hyrwyddo a Lleoli\) \(Lloegr\) 2021](#), yr wyf yn bwriadu eu cyflwyno gerbron y Senedd cyn diwedd 2024. Y bwriad yw y bydd cyfnod gweithredu o 12 mis, a fydd yn caniatáu amser i'r diwydiant wneud y newidiadau angenrheidiol cyn iddynt ddod i rym tuag at ddiwedd 2025, yn amodol ar gael cymeradwyaeth y Senedd. Efallai yr hoffech hefyd nodi y [Datganiad Ysgrifenedig](#) yr wyf wedi'i lunio er mwyn cyhoeddi lansio'r ymgynghoriad.

Yn dilyn ymgynghoriad ar wahân gan Lywodraeth Cymru yn 2022 ar gynnig i gyfyngu ar werthu diodydd egni i blant a phobl ifanc o dan 16 oed, rwyf hefyd yn achub ar y cyfle hwn i gynnal ymarfer galwad am dystiolaeth i ddeall rhagor am effeithiau yfed diodydd egni ar blant, gan gynnwys yr effeithiau ar gymdeithas yn ehangach.

Edrychaf ymlaen at glywed eich barn ac at gydweithio ar y maes pwysig hwn.

Rwy'n anfon copi o'r llythyr hwn at Gadeirydd y Pwyllgor Iechyd a Gofal Cymdeithasol a Chadeirydd y Pwyllgor Plant, Pobl Ifanc ac Addysg.

Yn gywir

Eluned Morgan AS/MS
Ysgrifennydd y Cabinet dros Iechyd a Gofal Cymdeithasol
Cabinet Secretary for Health and Social Care

Bae Caerdydd • Cardiff Bay
Caerdydd • Cardiff
CF99 1SN

Canolfan Cyswllt Cyntaf / First Point of Contact Centre:
0300 0604400

Gohebiaeth.Eluned.Morgan@llyw.cymru
Correspondence.Eluned.Morgan@gov.cymru

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

Rydym yn croesawu derbyn gohebiaeth yn Gymraeg. Bydd unrhyw ohebiaeth a dderbynnir yn Gymraeg yn cael ei hateb yn Gymraeg ac ni fydd gohebu yn Gymraeg yn arwain at oedi wrth ymateb.